



«Mottakernavn»

Saksbehandlar, innvalstelefon

«Adresse»

Ola Betten, 71 25 84 76

«Postnr» «Poststed»

«Kontakt»

Skorpa - Herøy kommune - oppstartsmelding supplerande vern

Statsforvaltaren i Møre og Romsdal vil med dette informere om at vi startar opp verneprosess etter naturmangfaldlova for Skorpa i Herøy kommune.

Bakgrunn

Oppstart av vernearbeidet har bakgrunn i St.meld. 14 (2015-2016) Natur for livet, om bevaring av verdifull natur i Noreg. Arbeidet tar sikte på å dekke opp manglar ved eksisterande verneområde for trua landskap, naturtypar og artar. Tilsvarande verneprosessar skal skje i ei rekke område over heile landet.

Miljødirektoratet har, på oppdrag frå Klima- og miljødepartementet, gjennomført ei omfattande nasjonal analyse av manglane ved eksisterande vern. Etter innspel frå Statsforvaltaren har mellom anna Runde og Skorpa blitt prioritert for vurdering av nytt vern etter naturmangfaldlova. Statsforvaltaren i Møre og Romsdal har fått oppdrag å starte arbeidet med vern.

Skorpa

Skorpa er ikkje verna i dag. Øya er fråflytta, men her står att ein del bygningar. Området som kan vere aktuelt for vern er utmarka på gnr 1 bnr 1. Dette er delvis sikra som statleg friluftsområde. Det er ikkje planar for vern av dei andre eigedommane.

Det meste av øya er kystlynghei av svært høg verdi, med noko naturbeitemark innimellom. Øya ligg i ein sterkt oseanisk vegetasjonsseksjon, med eit mildt vinterklima. Dette gjev forhold for ein del svært spesialiserte plantar som purpurlyng.

Her er ein stamme av vill kystgeit som er ein svært viktig genetisk ressurs.

Målsettinga med eit eventuelt vern er å best mogleg ivareta området som eit økologisk funksjonsområde for fugl for etertida, samstundes som dagens bruk kan halde fram utan å skade verdiane.



Lovverk og prosess for vern etter naturmangfaldlova

Arbeidet med nytt vern på Skorpa vart offentleg kunngjort i Sunnmørsposten og Vestlandsnytt, 14. juni 2024.

Prosessen med vern vil vidare følgje naturmangfaldlova § § 41 – 43, og i samsvar med forvaltningslova sine sakshandsamingsreglar kap. IV – VI, og § 37.

Naturmangfaldlova §§ 41 – 43 har omfattande krav til mellom anna tidleg informasjon til aktuelle grunneigarar, organisasjonar og offentlege instansar. Forvaltningslova § 17 krev også plikt til greie ut konsekvensane ved eit vern. Likeså må kunnskapsgrunnlaget vere best mogleg, jf. naturmangfaldlova § 8. For grunneigarar og rettshavarar inneber dette at vi gjennom heile prosessen vil vere opne for førebelse synspunkt og spørsmål om vernesaka og framdriftsplan for arbeidet.

Naturreservat, som den mest aktuelle verneforma, kan oppretta etter naturmangfaldlova § 37 i område som:

- a) inneheld trua, sjeldan eller sårbar natur,
- b) representerer ein bestemt type natur,
- c) på annan måte har særleg betydning for biologisk mangfald,
- d) utgjer ein spesiell geologisk førekommst, eller
- e) har særskilt naturvitenskapleg verdi.

Framtidige verneforskrifter vil vise verneområdet sitt formål, herunder kva natur- og kulturverdiar vernet skal ivareta og den tilstanden ein ønskjer oppnådd med vernet, grensene til verneområdet, berørte eigedommar og bestemmelsar om bruk av området.

Forskrift om verneområde i sjø skal oppgje om verneformålet gjeld sjøbotnen, vassøyla, vassflata eller ein kombinasjon av desse. Her vil vi vise til naturmangfaldlova § 34.

Pågåande aktivitet og bruk kan normalt fortsette og utviklast innafor rammene av verneføremålet. Vernet kan gjennom forskrift innebere konkrete råderetts-innskrenkingar for grunneigarar/rettshavarar, næringsinteresser og befolkning elles. Grunneigarar/rettshavarar vil behalde grunneigarretten til eigedommen. Generelt sett vil eit vernearbeid etter naturmangfaldlova ta sikte på å unngå vern av mellom anna dyrka mark og private driftsbygningar, bustad- og hyttefelt, og viktige eksisterande næringsområde og infrastruktur.

Når det er etter kvart er utarbeidd eit framlegg til kunnskapsgrunnlag, vernegrenser og verneregler, vil dette bli sendt ut på lokal og sentral høyring til grunneigarar og andre aktuelle partar, der vi ber om skriftlege fråsegner på framlegget. I samband med høyringa vil vi også legge til rette for møte og synfaringar for dei som måtte ønske det.

Vedlagte kart er særskilt grovt og inneber ingen vernegrenser, men derimot undersøkingsområde for vidare kartleggingar som skal gjerast.

Hausten 2024 vil vi synfare dei aktuelle verneområda grundig for å innhente mest mogleg kunnskap om både verneverdiar, bruksinteresser og eventuelle konfliktar med vern. Lokal kunnskap frå grunneigar/rettshavar, kommune, organisasjonar og andre vil vere ein viktig del av dette.



Vi har hatt orienteringsmøte med kommunen om saka, og vil i det vidare halde tett kontakt med kommunen, aktuelle interesserantar og organisasjonar.

Vidare formell prosess

Etter grundigare avklaring av verneverdiar, moglege vernegrenser og eventuelle brukskonfliktar, vil det bli avgjort om det skal utarbeidast framlegg til vernegrenser og verneforskrifter.

Statsforvaltaren utarbeider så verneforslag med utkast til vernekategori, avgrensing og verneforskrift ut frå formålet med vernet. Dette skal kvalitetssikrast av Miljødirektoratet, før det blir sendt ut på lokal og sentral høyring til alle aktuelle partar.

Statsforvaltaren vil samanfatte alle fråsegner til høyringa, gjere naudsynte endringar av framlegget, og sende ei fagleg tilråding til Miljødirektoratet.

Miljødirektoratet vurderer Statsforvaltaren si tilråding og utarbeider innstilling til Klima- og miljødepartementet med framlegg til verneforskrifter og avgrensing.

Klima- og miljødepartementet samordnar saka med aktuelle departement og førebur saka for behandling i regjeringa.

Vernevedtak vert gjort av Kongen i statsråd gjennom kongeleg resolusjon.

Spørsmål til vernesaka kan rettast til Ola Betten, epost: ola.betten@statsforvalteren.no ; eller Linda Aaram, epost: linda.aaram@statsforvalteren.no. Det ligg også informasjon på heimesida <http://www.statsforvalteren.no/More-og-Romsdal>.

Fråsegner og innspel til arbeidet kan sendast Statsforvaltaren i Møre og Romsdal, Postboks 2025, 6004 Molde, eller sfmrpost@statsforvalteren.no innan 15. august 2024.

Med helsing

Linda Aaram (e.f.)
underdirektør

Ola Betten
prosjektleiar

Dokumentet er elektronisk godkjent

Vedlegg:

1 Skorpa_Herøy_juni2024_ny



Kopi til:

MILJØDIREKTORATET	Postboks 5672 Torgarden	7485	TRONDHEIM
Gunnar Skorpen	Vikegjerde 12	6065	Ulsteinvik
Leif Roger Skorpen	Koparstadvegen 45	6098	Nerlandsøy
Sigfred Skorpen	Dalbakkveien 106	0682	Oslo
Idar Andreas Skorpen	Kari Anne Skorpen, Våkleiven 6	5155	Bønes
Oddlaug Else S Skorpen	Vågsgata 30	6090	Fosnavåg
Solveig Ragnhild Skorpen Leine	Leinevegen 290	6094	Leinøy
Laila Solbakk	Solbakkvegen 3	6091	Fosnavåg
Monika Solbakk	Solbakkvegen 2	6091	Fosnavåg
Mariann Skorpen Berge	Flusundvegen 49	6091	Fosnavåg
Gry Skorpen Jøsok	Voldsundvegen 30	6094	Leinøy
Endre Skorpen	Voldsundvegen 34	6094	Leinøy
Silje M Skorpen-Nygjerde	Leinebakkane 5	6094	Leinøy
Olivia Skorpen Lande	Igesundvegen 12	6090	Fosnavåg
Jon Anders Skorpen	Gamlevegen 46 A	6102	Volda

**Mottakarar:**

HERØY KOMMUNE	Postboks 274	6099	FOSNAVÅG
STIFTELSEN NORSK INSTITUTT FOR NATURFORSKNING NINA	Postboks 5685 Torgarden	7485	TRONDHEIM
NORGES JEGER- OG FISKERFORBUND AVD MØRE OG ROMSDAL	Skaret 10	6422	MOLDE
FORSVARSBYGG	Postboks 405 Sentrum	0103	OSLO
NORGES VASSDRAGS- OG ENERGIDIREKTORAT (NVE)	Postboks 5091 Majorstua	0301	OSLO
NORSK INDUSTRI	Postboks 7072 Majorstuen	0306	OSLO
BIRDLIFE NORGE	Sandgata 30B	7012	TRONDHEIM
NORSK SAU OG GEIT	Postboks 104	1431	ÅS
STATENS KARTVERK	Postboks 600 Sentrum	3507	HØNEFOSS
STATKRAFT AS	Postboks 200 Lilleaker	0216	OSLO
SPRÅKRÅDET	Postboks 1573 Vika	0118	OSLO
STATNETT OSLO HOVEDKONTOR	Postboks 4904 Nydalen	0423	OSLO
MØRE OG ROMSDAL SAU OG GEIT	c/o Jarle Hauge Solbergvegen 186	6210	VALLDAL
MØRE OG ROMSDAL FYLKESKommUNE	Postboks 2500	6404	MOLDE
DIREKTORATET FOR MINERALFORVALTNING MED BERGMESTEREN FOR SVALBARD	Ladebekken 50	7066	TRONDHEIM
NORSK BERGINDUSTRI	Postboks 7072 Majorstua	0306	OSLO
LINJA AS	Langemyra 6	6160	HOVDEBYGDA
FISKERIDIREKTORATET ÅLESUND	Postboks 185 Sentrum	5804	BERGEN
IFF N&H NORWAY AS	Postboks 2045 Raglamyr	5504	HAUGESUND
KYSTVERKET ÅLESUND	Postboks 1502	6025	ÅLESUND
MATTILSYNET	Felles postmottak	2381	BRUMUNDAL
FISKEBÅT	Postboks 383		
SØRE SUNNMØRE FISKARLAG	Røysegata 15 v/Bernt Brandal Almestadbakken 3	6003	ÅLESUND
		6062	BRANDAL